



সানসেয়ারি "বড'সা" স্বৰ্গীলাইয়াব
সমাজ্যায়ি জিউজী লোৰা থানায় স্যথায়, স্বন্থায়,
স্বল', স্বল'বাতা আরো দাববায়ি থাবনি, পার্ক
বাইদি নি স্যায় লিৰ্ণায় লিৰ্ণিৰ্ণা দৈথায় হৰ/
সানসেয়ারি "বড'সা" স্বৰ্গীলাইয়াব সোবস্বৰ্ণানবৈ
ফোবাবগোন/
বড'স্যায় লিৰ্ণায় লিৰ্ণায় হুৰা স্বালাম,
"বড'সা" স্বৰ্গী নৌথো, জী বয়বী আংগী স্বালাম।
সানসেয়ারি বড'সা মাঝবুলি
মাঝব নোগো, জোহোলাব দৈমালু লামা
কক্কায়া, বিটিসি-783370
Website: www.bodosanewspaper.com

BODOSA ★ A Bodo News Daily ★ Monday ★ 28 July, 2025 Kokrajhar, BTC, Assam ★ Vol.-35, Issue No.124 ★ R.N.I. Regd.No.40994/91, Assam Govt. Regd. No. IPRD.40/2006/3, Rs.8/-

গাহাড় মন্থি নরেন্দ্র মদিআ 'মন কী बात' আব কাজিরডা পার্কখৌ স্যথাদোঁ, মোন 43 রেখোমনি দাবমা-দাবসাফোরা দাববায়িফোরনি গোসো বোনো হায়ো

গোদান দিল্লী, 27 জুলাই:
গাহাড় মন্থি নরেন্দ্র মদিআ
বয়জীও মোজা মোনজানায়
রেন্ডি 'প্রগ্রাম' মন কী बात 'নি
128 থি খোন্দোআব আসামনি
কাজিরডা মাহারিয়ারি পার্কনি
গোসো বোনো হানায় জিবআরি
থ্যাথাইনি ফারসে রাহা লানায়খৌ
বাখ্যাদোঁ। বিখ্যাত দাবফোরখৌ



নোজরজীও নডা, সোদোবজীও
সিনায়থিও হানায় জাদোঁমোন।
বেখৌ প্রজুক্তি আরো আবহাওয়া
ফোনাঁজাবনায়নি মখ 'জাথাবনা
গোরোবলায়নায় হোন্নানৈ মডিআ
পার্কনি থাখায় গিবি খেব
দাবমা-দাবসা জরীপনি সায়াব
গোনাঁথি হোদোঁ। গাহাড় মন্থিআ
বুঁবাবদোঁ, জুদি কাজিরডাআ

গান্দানি থাখায় মূদাংখাব্বা, বে
খেবাব কাজিরডানি গাংসোবারি
আরো বেয়াব জিউ খাংগা দাবমা-
দাবসাফোরনি সায়াব গোনাঁথি
হোনায় জাদোঁ। মোন 40 নিখুঁবো
বাঁসিনি গুবুন-গুবুন হারি আরো
জাথোনি দাবমা-দাবসা বে
পার্কআব নুনো মোন্যায় জায়ো।
(□ 6 বিলাইআব)



কক্কায়া, 27 জুলাই :
বিটিআরনি দরবা জিল্লানি খরং
বোথোরজীও খহা জানায়
আনসোলনি সে লাখ 66 রোজা
600 আবাদআরিফোরখৌ মদত
খালামনো বিটিআর সরকারআ
থিয়ারি হোন্নানৈ বুঁদোঁ বিটিআরনি
গাহাড় প্রমদ বর'আ। কক্কায়া
চন্দ্রপারাব থানায় গাবনি
ন'আব খুনায় মোনসে খৌরাং
মেলআব বিটিআর গাহাড় প্রমদ
(□ 6 বিলাইআব)

134 থি ইণ্ডিয়ান অয়েল ডুরান্ড কাপ ফুটবল

দিনৈনি বেখেবজেন্নায় মেচআব আইটিবিপি ফুটবল হান্জায়া কার্ভিআলং মর্নি স্টার এফসিখৌ 2-1 গলজীও ফেজেন্দোঁ

কক্কায়া, 27 জুলাই :
আসামনি কার্ভিআলং মর্নি স্টার
এফসিআ সোলিফু 134 থি
ইণ্ডিয়ান অয়েল ডুরান্ড কাপ
ফুটবল বাদায়লায়নায় মেচআব
জেন্নায়জীও টুর্নামেন্টখৌ
জাগায়দোঁ। ভারতআরি সান্ধি
হান্জায়া খুনায় এসিয়াননি
বয়নিখুঁবো গোজামসিনি
ফুটবল টুর্নামেন্টআব বে খেবাব
বেখেবজেন্নায় মেচ গেলেও খাবু
মোন্যায় ডিফু সফরনি ক্লাবআ
দিনৈ গাবসোরনি গিবি মেচখৌ
সিগাং সমাব গরসে গলজীও
আবগায়নানৈ থায়োব্বাও উনাব



জেন্নো গোনাঁ জায়ো।

কক্কায়া সাই
স্টেডিয়ামআব খুনায়
বাদায়লায়নায়নি গুপ 'ডি'নি
গিবি মেচআব দিনৈ আইটিবিপি
ফুটবল হান্জায়া 2-1 গলনি
ফারগথিয়াব ফেজেন্দোঁ মর্নি স্টার
এফসিখৌ। মখ'নো গোনাঁদি,
মেচ জাগায়নায়নি 22
মিনিটআবনো মর্নি স্টার
(□ 6 বিলাইআব)

আইএমডি নি সাংগ্ৰাংথি: ঘন্টাআব 65 কি:মি: গোব্ৰৈথি জীও বারুংখা ফৈগোন, দর 21 রাইজ্যোআব বারুংখা, অখা হাগোন

গোদান দিল্লী, 27 জুলাই:
হাদতনি মাখাসে রাইজ্যোফোব
গোব্রাব অখা হাগোননি সাংগ্ৰাংথি
ফোসাবদোঁ ভারতআরি বোথোর
বিগিয়ান বিফানা। বাবৈসো
সিগাং বোথোরনি আপডেটআব
আইএমডিআ ফোসাবনায়
ব্যয়দিয়ৈ ফৈগৌ 24 ঘন্টানি
গেজেরাব গেজের ভারত, বিদর্ভ
আনসোল, খোলা ভারতনি আন্থ
প্রদেশ, বিহার, উত্তরাখান্ড,
তামিলনাডু, পণ্ডেসেজীও লোগোসে



সা-সান্জানি রাইজ্যো অরুনাচল
প্রদেশ, আসাম, মেঘালয়,
নাগালেণ্ড, মনিপুর, মিজ'রাম
আরো ত্রিপুরআব গোব্ৰৈথিফ্রায়-
গোব্ৰৈথিআব অখা হানো হাগৌ
(□ 6 বিলাইআব)

বে বোসোরনি মার্চ-জুনআব লুজীও সা 14 সুবুঁফোরল' জিউ গোমাদোঁ

বোসোর 1901 নি উনাব বয়নিখুঁবো দুংখাবসিন্ণায় বোসোর জাদোঁ 2024 মাঈথায়আ



গোদান দিল্লী, 27 জুলাই: বে বোসোব সাবুঁ গোসা দুঁনায়খৌ
নোজর হোনানৈ সুবুঁফোয় দেলায়নি বোসোরখৌ গুদুঁসিনি জাগোন হোন্নানৈ
সান্ণায় জাদোঁমোন আরো বেনি বিজাউনজীও সুবুঁফোরনি জিউ
গোমানায়াবো বাঁসিনি জাগোন হোন্নানৈ সান্ণায় জাদোঁ। নাথায় বেনি
উল্খা জানায়খৌ বে খেবাব নুনো মোন্যায় জাদোঁ। ফোসাবথায়-
মোন্থাই (RTI) বিথোনমা মোন্ঠো হানায় আন্থিমা বাড়িয়ৈ বে
বোসোরনি 1 মার্চনিফ্রায় 24 জুননি গেজেরাব ভারতআব জোবোদ
গোসাথার বিদুঁ দুংখাবনায়নি জাহোনাব সা 14 সুবুঁফোরল' থৈনায়নি
রেকর্ড জাদোঁ। বেরাফারসে হিত স্ট্রকনি মোন 7,192 জাথায়বো
সোমজিলাদোঁ। থাংনাব বোসোব (□ 6 বিলাইআব)

হাগ্রামা মহিলারিআ বিটিসিনি গাহাড় বিবান লানায় সাননিফ্রায়নো ফিন বিটিসিনি জৌগাখাংনায় দরজায়া খেবজাগোন : বেগম আকতার

ভবানিপুরনিফ্রায় রাজিব
তালুকদার, 27 জুলাই:
বাক্সানি মথনগুরি বিয়াবনি
সিডাব থানায় হতাপারানি
বিপিএফ মাঝবুলিয়াব বংগলী
জাতীয় কণনি সালবারি জিল্লা
আফাদনি বাজ্যনায়াব খুনায়
মেলআব মথনগুরি বিয়াব
বিপিএফ বংগলী কণনি ব্লক




আফাদখৌ গোদানৈ দাফামনায়
জায়ো। বিপিএফ বংগলী জাতীয়
কণনি সালবারি জিল্লা
আফাদনি আফাদগিরি শ্যেমল
বিশ্বাসনি মাসি দৈদেন্নায়াব
খুনায় মেলআব বিটিসিনি
বারা' মাঝবুঁ সোদ্রোমা জাদিশ
সরকারআ আলাসি মহরৈ মিরু
(□ 6 বিলাইআব)

সাসে দৈদেনগিরিনি গোসোখাংথি আরো সাবসিনি বড'লেন্ডনি থাখায় বিথানি সিমাঁ

Lookin' Within: My Reflection

আধিবেক সেনগুপ্তা
লিগিগি: প্রমদ বর'
রেখোম: জিউ খৌরাং

My Reflections''
ফৈয়ো, জেরাব গোজোন, থাখাথানো
হানায়, খুসি আরো জৌগানায়জীও
লোগোসে জিউখৌবো সাবরায়নায়
জায়ো। বে বিজাবাব বাজি
বোসোর গোলাব বড'লেন্ড
সোমাবসারনায় আরো 2020
মাঈথায়াব বর' গোজোন



গোরোবথায়াব সাগান
হোখাংনায়নি উনাব উনি বা
বোসোর গোজোন আরো
জৌগাথায়নি গোথৌয়ে সঁদাননায়
দং, গাসৈবো বে গোরোবথায়াব
মৈখোম বিফাব লানায় মুখি
বর'নি নোজরজীও। বে গোসোখাঁ
(□ 6 বিলাইআব)

মাহারিয়ারি দেহা মাঝথারি, আসাম

আসাম সরকার

মুলুগনাং হেপাটাইটিস সান

28 জুলাই 2025

'ফৈ জীও বেখৌ হোবথানি'

হেপাটাইটিসআ মোনসে লিভারখৌ বুখাংহোয়া বেরাম। বেয়ো সরাসরনসায়ৈ মোনসে ভাইরেল সন্দেহনায়নি জাহোনাব জায়ো। হেপাটাইটিস জিউসানি মোনবা গুদি রেখোমফোর দং, জায়খৌ এ, বি, সি, ডি আরো ই রেখোম মহরৈ মিথিনায় জায়ো। বে মোনবা রেখোমফোরা মাখাসে জাথায়ফোরাব গাঞ্জি সাবসিনি জেনা সোমজিহোয় আরো জিউবো ফোজোবনো হাগৌ।

হেপাটাইটিস-বীখৌ বিমানিফ্রায় গথ 'নাব সন্দেহনায়নিফ্রায় হোবথা

গাসৈবো গোবোঁআব থানায় আইজোফোরা হেপাটাইটিস-বীনি আন্থাদ নায়জাংগৌ

গাসৈবো গোবোঁআব থানায় আইজোফোরা হেপাটাইটিস-বীনি আন্থাদ খালামনায়াব পজিটিভ মোনো, বিসোর সাবসিনি সিবিথায় সুবিদায়াব গথ 'জোনোম হোনাংগৌ

জোনোম জাগোদান গথ 'ফোরখৌ হেপাটাইটিস-বীনিফ্রায় রৈখা খালামনো সাংগাং জা

হেপাটাইটিস-বী টিকানি জোনোম ডজখৌ 24 ঘন্টানি গেজেরাব হোনাংগৌ

হেপাটাইটিস-বী ইম্যুন 'লবুলিনি (এইসবিআইজি) খৌ বৈ বিমাফোরনিফ্রায় জোনোম জানায় গথ 'ফোরনো হোনাংগৌ জায়ফোরা হেপাটাইটিস-বীনি থাখায় পজিটিভ মোনদোঁমোন, লোগোসে টিকানি জোনোম ডজবো হোনাংগৌ।

ট্রেসমিসননি সরাসরনস্কা মডফোর

খোফোদ গৈয়ে ইন্জেক্সন: বিজি আরো সিরিঞ্জফোরখৌ ফিন বাহায়নায়

বিজি রানলায়নায়: মুলি ইন্জেক্সন হোনো থাখায় বাহায়

ইন্জেক্সন খালামনায় বিজিফোরনি বাহায়নায় আরো বোফোরনি সোমোন্ডো: টেটু আরো গন্থ, খোমা আরো মোদোমাব হাবনায়নি থাখায়

গাবারি বেসাদফোর রানলায়নায় জৈ: রেজর, স্কেড, নেল কিলপার আরো টুটুয়াফোরখৌ রানলায়নায় ব্যয়দি ব্যয়দি

খোফোদ গৈয়ে থৈ আরো থৈনি দিউথায়ফোর: ট্রেসফয়ুজুন, ডায়ালিসিস ব্যয়দি ব্যয়দি

হেপাটাইটিসআ গোসারনায়নি জাথাবনা দং আরো বেয়ো মহমারিনি মহরাব গোসারনো হাগৌ। সিগাং বেরাম সিনায়থি আরো থি সমাব ফাহামথায় লানায় লিভার সিরিসিস, লিভারনি কেন্সার আরো থৈনায়খৌবো হোবথানো হাগৌ।

আথিখালাব গাসৈবো সুবুঁ দেহা ফাহামসালি আরো মেডিকেল কলেজফোরাব হেপাটাইটিসনি ফাহামথায়খৌ বেসেন লায়াজাসে মোননো হায়ো

হেপাটাইটিসনি সোমোন্ডৈ মিথিথানা লা, দিনৈনো আন্থাদ নায়।
হেপাটাইটিসনি বেরাম সিনায়নায় আরো ফাহামথায়নি সায়াব বাঁসিনি মিথিনো থাখায় অন্তানৈ খাথিনি সাবসিনি মিরুআব থাং

সাবসিনিজীও সোমোন্ডো গোনাঁ সৌলুফোরনি থাখায় 104 আব কল খালাম

এম্বুলেন্স সিবিথায়নি থাখায় 108 আব কল খালাম

(NHMD/2025-26/24)

4

बिलाड़

कक्राझार, समबार 28 जुलाई, 2025

हाब्रांनि मन्दिर

नों हाब्रांनि मान्दार बिबार
समायना हायना महर गोसा।
सारफावयो नों आंनि मेगनाव
देवयोलनि आबिर गाब।
हाब्रांनि मान्दार बिबार
मा एसे समायना नोंनि बे महरा।
सौदाव हैयो मेगननि नोजोरा
नोंनि बे हायनाश्री महराव।
नाथाय मान्दार बिबार
नोंदि हाब्रांनि बारफुनाय मान्दार बिबार।
नोंखौदि आंनि आखाया मोनहासौआ
आंहादि गां गैया.....
बिरखोनानै नोंखौ खानानै लायनो
नाथाय..... आं मा खालामनो होनब्ला ?
आजोला बैसोनि गोसोआ
नोंखौ नडब्ला मानिया।
नोंखौल’ हास्थायो
अराय सम लोगोआव मोननो।
नों बोजबदो मान्दार बिबार
गावनि गोरबोनि साननानै।
अब्लाबो बिबार
गावनि गोरबोनि साननानै।
अब्लानो गोजोन मोनगोन
बे हावरिया ज़िउ ससेया।
थायनै मेगनाव बोहैगोन
अराय सुखु दुखुनि दैमु निजिरा।

राजेश बसुमतारि
ला:सो:- कारिगाव
जिला- कक्राझार

अबोला आं मा खालामनो!

नै बे गुवार संसारनि
थिं थिं गुदुं हाउ हाउ बालाबारियाव
दै गांगोन आं थाबाइनो बायो।
दै गुदुं हाउ हाउ बालाबारिखौ
आं बारलांनो गियो।
रावनिबो आगान आरो
लामा गैयै बे बालाबारियाव
आं बबेथिं थानो!
बेवहाय फांसेबो बिफां गैया।
बेवहाय बार मोदायबो बारो।
जाउनाव हाद्रि बालाया बुखांजानानै
मेगनाव हाबो आरो
मेगननिफ्राय मोदै ग'यो।
नाथाइ
मेगननि मोदै, हाद्रि बालाखौ
सोर हुगारनो आरो एरख'नो?
गुबुनफारसे संसारनि
थिं थिं सान्दुंआ दैदेनलांनानै
बेलासे बुब्लिया आंखौ बरायहरनो खावलायो;
नोंनि न'आव थानो।
लाजिगुसु मोखां सोमखेयै
अबोला आं मा खालामनो!

सबिन बिखारोजा मोसाहारी
गामि – देवानपारा
ला:सो: – बागरगाव
जिल्ला – सिरां बि.टि.सि.(आसाम)
थाना – बिजनी

अनजालुनिसिम

अनजालु.....
मिथिया नामा नों
आंदि नोंखौ बेसेबां मोजां मोनो
अख्रांनिफ्राय जौसिन,
हाजोनिफ्राय गोजौसिन,
लैथोनिफ्राय गुवारसिन,
आंनि नोंखौ मोजां मोन्नाया।
आय'.....।
आंखौ दिनै नों मा खालामखो
सहायनो हाया जाबाय आं
नोंनि बे आखलाव
बुजिस'नो हाया जाबाय,
मादि माया गेलेहोनाय नोंनि
सानाखैमोन आं नोंखौ
एसेबांमानि अन्थाय बिखा
जानांबाय आं दिनै नोंनि
आखलाव सासे बिबायारि
अनजालु.....
आंनि आर'ज नोंनिसिम,
नों जेरावखि थाया मानो,
खालि नों गोजोने था
बेनो आंनि गोसोनि हास्थायनाय।

मिस काट्टिना खाख्तारी
उमानन्द गोजौ फरायसालि
गामि- सा सिजुगुरि(हलां बाजार)।

नों बर’ सिख्ला

बलराम बर’

मिथिगानि रै-रूब महर
लानानै सोरजिनाय समायना
बारफुनानै थानाय बिबार
नों लाइमोन बर’ सिख्ला।
गोमो-गोथां दख’ना गाननानै
सिखिरि बादि बाहां बिरहां
गां फुवार –फुवार
फालि लानानै मोसाबायो।
गोसो नोजोर मुहिनानै
नोंनि बे थायनै मेगना
बे संसारखौ बावहोनानै
सिमांनि मुलुगाव गोदोहोयो।
अखाफोर बायदि गावदां
नोंनि बे जारौ मोखांया
खोमसि अखांखौ सां खालामनानै
आंनि गोसोखौ लामा दिन्थियो।
रम्बां खानाइआ नोंनि
साननि मोदाननायाव जोंख्लाबरखाडो
नारें सु बायदि गन्थं नोंनि
गुस्थियाव लाजिस्तु मिनिनाय।
मोच्लायबादि जान्जि नोंनि
आखाइ आव दैहु लाना
मद’-मद’ आथिं थायनैजों
मावनाय दांनायावबो नोंखौ
रावबो फेजेनहाया
हारिनि गेदेमा सिनायथिखौ
फोथायनानै लाखियो नों।
नाथाय जादोंसै दिनै
बेले-बेजे आसार खास्थि
बोजबनो हमदों मालायनि
गाननाय जोमनायखौ।
दाखालायसै बिदि नों
गलाय गथाय थासारिखौ
फोथांफिनदो गावनि हारिनि
समायना हायनाश्री महरखौ।

मोजोमसे अननाय

बुब्लिनि गुथालजों बोहैबोनाय
बोथोरनि बै आइराखिआ लाबोयो
अराय दुफांनि जावलिया बारखौ।
दुफांनि थिं थिं सान्दुंआव गोजोन होनाय
बिफां गुदिनि सायख्तुमाव
खोलो खोलो बारनाय बारा
मादि सानम्रि बेरखांहोयो गोसो गोबोंआव।
दुफांनि मोनथोरजों सान्थ्र हायै
सुबुं जिउसाफोरा बोदोर जानाडो।
थारैनो बे बोथोरा सुबुंनि
गोसो जिउआव बायदि गोहोम खोख्लैयो।
बे बोथोरनि दोहौआनो लाबोदों दिनै
बे मोजां मोन्नायखौ मादि भावथिना।
सान्थ्र हायै माया संसारनि
जेंना-जेंगोनाफोरखौ एंगार-एंगार
सम नायगिर नायगिर
गोसो खाडो आं नोंनि
मोजोमसे अननायखौ।

मुस्त्रि तिकेन्द्रजित देवरि
गामि- धावलि गुरि।

सिनायै अनजालि

हाय अनजालि! जाखो नों बबेनि?
मिथियाखिसै आं नोंनि थं
थेवबो नोंनि फंसे रायदावलानाय
रावआ आंखौ सिमब्रेलाडो।
नोंनि समायना गलाब राणी महरा
आंखौ खालामबाय हालाय-हाफाय,
नोंनि हायनारि गावदां महरा
गेलेफैबाय खनले-खनले गोर्बो दरखंआव।
आनदाय होबाय नों आंखौ
बारसेल’ गलाब बिबारनि बागानाव,
नोंनि समायना महरनि हायना सारफावनायाव।
खारफा नांबाय नोंजों उन-उन
थेवबो मोनाखिसै आं नोंनि थं,
गोर्बोआवल’ गालांबाय नोंनि
समायना गलाब राणी महरा।

मुस्त्रि सन्तष रामचियारी
गामि – खारुवा (बिलपार)
ला:सो: – खारुवा
जिला – बागसा

रंजालि गथ’फोरनि सौरा

उसाव-बादाव

सानदोंमोन आं फोरमायनो फंसे बाश्रा,
नाथाय गेवा खुगा आंनि मानो ?
मेगना नुयो नोंखौल’
गोसोआ थाडो नोंजोल’।
साया माया नुसै आं नोंनि महरखौल’
जासै आं उसाव-बादाव।
नाथाय नुस’ मोना सोर अनजालिया
जागोन आंनि ?
गोसोआ थाडो अरायबो
अनसुलि महराव नोंनिल।
आदानि हिन्जाव बाजै मोनहा
आंखौ बुंदोंसै आंहाबो
बिनानाव सासे दंबावो
नांगौ जायोब्ला जुलिनि रादाय।
गोर्बो गोसोआ गोजोननाय गैया नोंनि
खाथियाव उसाव-बादाव गोसोआ आंनि।

दालिम ब्रह्म

थुनलाइगिरिनि लाइजाम

लालमहन बसुमतारि

गोर्बो बुंजासे गोरोन्थिखौ सुस्रांग्रा-
लायजाम बियो थुनलायगिरिनि,
मिलौ हाबनाय रोसि बरहा बेरे मोदै बाहानि,
मेहेर गोनां खबामजों सुजुनाय गोरा आखायनि।
दड्ज बे लायजामावनो हारि, हारामुद अनफावरि-
सोरजिलु च्सनानि मालाज आरजिनायनि,
बोसोन्थि गोनां बिशम्बि-
जायखौ जेब्लाबो खरज गंग्लायै गोसो खानांगौ जायो।
गुरैयै खावलायनाय-
नोंथाडबो खनथायगिरि जानो सानो नड होमब्ला ?
जेराव सुबुं हारिआ मह्रै-मोखाडैमिनिसोरां,
बिखा फांदां, जौस्रां-देतस्रां।
हारिनि गोदो लांनाय, बावगार लांनाय,
नेसॉन फोरखौ लाय-
सोर बुरखां बावनांगौ दालाय,
बिखा बुंजासे सान बोलावरि दं नोंनावबो अराय।
जेबोला सानहाब-गोमोहाब,
आसार-आखु सुबुं सोदोमश्रीनि,
रोखा महरा बेरखांगोन अराय समनि,
बेनो थार थुनलाय मोनसे हारिनि।
जारिमिनखौ लानानै जेब्ला-
बिजिरफ्ले-बिजिरफ्ले नायबिजिरगोन,
मोनसे सोदोमश्रीनि थार गुमुरा-
अब्लासो मोकथाडाव महर मोनगोन।
समजों जुजिथाब-जुजिथाब-
लंथायखुलिआ थिर-थिरै जोरलांगोन,
बिब्बिब्लासो जारिमिनारि
थुनलाय बिजिरनाया रोखा जागोन।
जाथार मारोब्ला नोंथाड सासे रोंगर्ज्थि गोनां खन्थायगिरि,
हारि सिबिसुला थुनलाय अनसुला-
मुगानि बेसेन नागिरसुला,
नोंनि गोर्बोनि सानबोलावरिआनो दाफुंलांगोन
थुनलायनि लैथोमा।
बै गोजाननि हाजो-

नैबे जोंनि खरन्सानि मोथांखोर अख्रां,
रुजुनायाव बेसेबा साग्रां-साग्रां,
गुनखौ नायबोला बेसेबां आज्ञां-गाज्ञां।
थेवबो नाथाय सानफ्लाडो नड होमब्ला ?
अख्रां सा-सा हाथर्खिं थुख्लायनो,
गोसोजोंनो हिमालय हाजो बायदि जानो,
जोंनि राव थुनलायनि बेरे मोदै बाहा बानायनो।
जानोबो हागौ बेखौ सान्नानै लानांगौ,
जोंनि जौगाहांनाय-राव थुनलायखौबो,
अराय धोंनि खालामनो नाजा नांगौ।
सुबुंनि देहानो नांगौ जानाय-लोंनाय गांनाय-उखैनाय-
नज बां आयज्-अलंकार बेसेबांबा साजायनाय,
सानश्री-मुश्री मिलौनाय, गोदै-गोखा मेजेरनाय,
दं थुनलायनावबो अराय उखैनाय।
बिदिब्ला फैदो गोनो-गोथो दाख्लामदो,
लिरहां-माहां सानहां-हां समखौ दा हगारदो,
साबायखर गोजोनदो थुनलायगिरि-
थाबैनो खोलोम दैनानै लिरदोलाय फारि-फारि।
खुगाजों गोब्रामब्ला बावगार लांगोन
लिरनानै दोनोब्ला सानफा-एफा बारायबोला,
हाबाब सना नोंबोथज् खम नड-
लैथो सा-सा जावगोन थुनलायनि दिड।

आं गावखौनो बाखनायना लाना

जेब्ला आं गावखौनो बाखनायना लायो
अब्ला आं गोसोखौ गोजोनसिन मोनो।
हाजारनि गेजेराव आंबो सासे
जेननाय दावहारु ।
नाथाय आं दावहा फोथार गारना खाराखै
आं जुजि फिन्नाइनि सिगां
दावहा फोथाराव दावहारुफोरसो गैलियामोन
जानो हागौ आंनि हुस फैनाया उनद्राय जादों।
सिमांखौ आं बांद्राय नुयो जानांगौ
बेखायनो लोगोफोरनि मादाव
आं उनसिन सिरि मोनो।
आंबोथ मिनियो खुसिनि समाव
नाथाय नोंसोर बायदि गारमा हन्नाना नड
बेखायनो गनायना लाबाय आं
नोंसोर बायदि आं नड
गाबनोथ रोंगौ गारमा हन्ना हन्ना
नाथाय मोदैसो बोहैबोया थरथिंसेबो
नोंसोर दासान आंखौ दुखु जायाखै होनना
आं नोंसोरनि बांसिन दुखु जादों।
आं गनायना लाबाय दे
बांद्राय संखि जाना आंनि मेलेमा खम जाबाय
नाथाय नोंबोथ बांद्राय सिनि जाना सुगार जाबायना।
गोबां एगजाम आव जाबोबाय फेल
नाथाय नखर संसार जानायाव जायाखै खेबसेबो फेल।
जायफोर टप लेटार लाना जायाखैमोन खेबसेबो फेल
बेसोरसो हनै बार बार फेल जागासिनो नखर खुंनायाव।

सनिया बसुमतारि

गामि: ककिला बनरगाव
बिस्वनाथ

बरादिनि उसुनाय.....

सोरांस्ताबमोनि दिनै
सेलुलयेदावसो जिरायदों,
बुदरनाय खावलाय जहाबनाय गोसो
जंखायजादों आवथालि बारजों,
थेवबोदि उदिस गैया नायफिननो
दिदोम स्त्रियै हारसिंनो
मायावबासो गोमाहाबदों—
नुहां-नुवाहां रोमै-रोमै
जानोहागौ सानबोलावरिनि गोथां लोआव
फासि नांनाय आंनि गोथै सोलेरसो ।

बिरनजय मसाहारि

सोलोंथाय

लाजेनबाय आं दिनै,
सोलोंथायनि फुंखाखौ;
मोनजेनबाय आं दिनै
गियाननि फुंखाखौ।
मेगनजोंबो नुबाय आं,
सुबुंफोरनि नाजानायखौ,
आंबो नाजागोन सानसे;
सोलोंथायनि फुंखा लानानै।
गियाननि बुब्लि बिखायाव,
गियाननि सोमखोर हायाव
नुबाय आं जिब-जिबिनि;
सोलोंनाय-रोंनायखौबो।
माब्लादि जाखांगोन
आंनि सोमखे मोखांआव,
माब्लादि सौफैगोन
आंनि सोरां गोसोआव।

मिस दिपान्जलि मोसाहारि
इउ एन एकाडेमि, कक्राझार

इशोर

इशोर आं नोंखो
खुलुमो सिबियो अराय सम
अराय दिन गले गले।
आरज गाबो आं
सम सम नोंखौ गोसोखां
गोसोखां फुं मोना।
हास्थायो आं नोंखौ
मोन्नो अराय खाथियाव।
लुबैयो आं नोंनि
अन्नाय आरो अनसायनाय
अरायबो नोंनिफ्राय।
अनसायहरदो गसाय
नोंनि थायनै मेगनजों
आंखौ नायहरनानै।
लानो होदो गसाय
नोंनि खाथियाव आंनो
गोजोन देरा।

मुस्त्रि अभिनास बसुमतारि
सामथाइबारी।

‘सुंद’ सल’

सुमिरन

: आधै बि जोंहानि लजिङव थाफैनाय गुफुर गन्थ थेंफार, बिखा गुवार , आदै मद’द’ नायनो मोजां, अन्थाव बाथाव दद्र’ दद्र’ थार्रा सेंग्राया बबेनि। बिखौ आंनो नांगौ आयै, बाइ हुक अर बाइ कुक, जैरैखि जाया। बिखौ मोनाब्ला आं फासि नांना दैयाव, नङाब्ला रेल गारियाव बारसोमना थैगोन आं। बुंना मामि बि सेंग्राया बबेनि मा मुं प्लिज।

: बियो नोम्पानि बिब’नि फिसाज्लासो, नों बिखौं बिदासो जागोन असे। बिब्द सनथाब सान्नो हामा आय, जों नोंखौ मोजां बिजामादै नायनानै दोलै नोगारै हाबा खालामना हरगोन। नङाब्ला नयावनो गोरंजिया लारिखना दोनगोन रानि बायदि। मानोना नोंनो जॉनि थांनाय थैनायनि मोनसेल’ रहा बिजों। नों एइस एस साइन्स पास खालामनानै डाक्टर फरायनांगोन, मेडिकेल अफिसार जानांगोन। जॉनि जोंथि मिजिंखौ नों सुफुंनांगोन,मानोना नों जॉनि न’ खरनि वाथनाम स’ना फिथर जायहा अर बारहुंखा लोगो मोनब्लाबो जोबो जाया।

: दानिफ्रायनो दिदोम गोसो, मोनसे थांखि लानानै फरायलां, नङाब्ला इयुनाव फस्थाय नांगोन नों फिसा। बि केयारफुल। मानोना फरायनानै मोजां मानसि जानो हायाब्ला दानि मुगायाव जेबो मुलाम्फा गैया। बे मुगाया कम्पिउटार, रंकेट, इन्टारनेट मेदियानि बाहायलु मुगा। बे मुगाया सिलाय बारुद थैजों दुगैनायनि सम नङ, बे मुगाया बादायनायनि मुगा। मेलेम, खोलोम बाहायनानै थांखियाव सौहैनायसो। बेसे जॉनि थांखि जानांगौ।

: बेथ’ बे मामि, हु इस हि ? बियो सोर मा मुं ? आंनो बिनि अन्नाय नांगौ। आयै आं बे सेंग्राखौ मोजां मोननायाव मानो हेंथा होयो। बेथ’ आंनि असे बिमानि गोरबोयाव उजिनाय बिदा नङा ना, आफानि बिब’निसो फिसाज्ला। मिसरनि रानि क्लिउपेट्रायानोबा गावनि असे बिदा फंबाय मोनखौ हाबा खालामदोंमोन, दावहायाव सासे थैनायनि उनाव सासे जोलै फेदेरनो बेलाय मा आयै आरो गुलि। आंनि बादिब्ला गेदेर गेदेर फरायनाय साखि आवला, प्रफेसार डाक्टर नायनो मोजां सेंग्राखौ हायोब्ला न’नि एबा बाहागि खुरमानि आयजोआनो हाबा लाजोब नांगौ। सेंग्राफोराबो मानोथो मालायनि फिसाजोफोरखौ रानि खालामना सुखुयाव जाहो गारनो ?

: आयै नों मिनथिया नामा: ए मेरिएज उइडाउट लाभ इस मिर्निलेस। बिके आरो आब’ जनती खन्नाय नैबे मेथायखौ। मोजां मोन्यानि फंसे राव, गोसो थोनायनि फंसे फाव फोरमायगौमोन आं स’ना। सानबाय थायो लोगो हमनो अराय समाव..... नॉनि आंनि जिउ राजा, नोंनो आंनि जिउ रानि॥

: बैथालि जानाङ, मेथायखौ खन्दों नों ? नोम्फा खोना फैब्ला बिगुरसो जिगोन नों। हामगौ बिदा असेखौ बिब्दि सान्नो ? मानसिफोरा खोनाब्ला मा सानगोन। सि सि जॉनि फिसाया एसे नेहाद सान्नो हायो। नोम्फाया कलेजनि प्रफेसार आं हाइस्कुलनि मिसट्रेस, जॉनि मान इज्दखौ नों जाजोबसिगोन फिसा।

: ममी नों जिखि साना आंनो बि सेंग्राखौ नांगौ, आंनो रायलाय नांगौ। प्रमिज ममी, आं बि सेंग्राखौ मोनाब्ला थैगोन।

‘सुंद’ सल’

ओइस. इरागदाव फादांगिरि

हेल’ खोरोम। ओय बाजौ खोरोम न’आव दंना गैया ?खोरोम बिबाजैआ लामानि लागोनायाव थानानै गुरै रावजों फिनहरो ए. माथो, जोनोम मोनसोलाय, फै खोरोम न’आवनो दङ। न’आवनो माबरै सानसे गाहाम जनानै थानो हायो ब्रा जोंखौलाय माथो दसेबो जनानै थायो हायौ जॉनि मासिआवनो एम्फौ दङ खोमालै अरदावबाय थायो। थोत जाम्बालाय। नोंसोर मा खोरों आसो बांसिन। खोरोमा न’र्सिनिफ्राय ओंखार बोयो आरो जोनोम आरो हाब्रांखौ गावनि रुमाव लानानै थाङे। दसेनि उनाव खोरोम बिबाजैआ साहालानानै रुमाव हाबफैयो आरो बुङे–जोनोम माथो दिनैसो दिननैसो नङलै बाजै खोरोम बिबाजैआ बुङे माबाफोर खौरां दङनामा ? जोनोमा फिन बुफिनो माबालै बाजै गाबोननिफ़्र य तितउसन दङ। कक’लाबारी हिन्जावसा गोजौ फरायसालिआव बेखौनो खौरां होनो फादों। मानि ? बिगियान खौरांनि लैबायै। दे बिब्दिब्ला रायज्लाय आंहा गोबां खामानि दङ। बिब्दि बुंनानै खोरोम बिबाजैआ ओंखारलाङे।

खोरोम जोनोम आरो हाब्रामोनहा मोन से थाखोनिनो फरायसा बिसोर साथामबो कक’लाबारी हायार सेकेण्डारी स्कुलाव जि थाखोआव फरायो। साथामबो खि’ एरख’ लायग्रा लोगो बिसोर। फरायसालि,

आंनो नॉनि अन्नाय नांगौ

बिमाखौ गोबाख़बनानै गाबो, अन्थाव–बाथाव। बिमाया रागाजों बुजायब्लाबो मानियैनि सोबायो फंथामसो।

गाबनानै जिमिया गावनि बिसिनायाव ग्राम गोर्लैनानै गान्दुखौ गोबानानै रूखु रूखु गाबो। जायखौ बुङे सेंग्रा सिख्लानि गोसो थोलायनाय। खान्थाल आथा बायदि बोखा जायै। जायजों नांबाथाय नांबाय रिफिदसै। सलेसन आथा बायदि। दिनैसिम 16 बोसोरनि ददेरै बैसोसिम बियो रावबो सेंग्रानि अन्नायाव बोदोर जायाखैमोन। कृष्टन मिसनआव फरायनानै दिनै मेट्रिकखौ बियो गिबि थाखोयाव उश्रिनानै कलेज फरायलायबाय। नाथाय हरखाब बियो बिहुंखौ नुनाय लोगो लोगोनो बिनि आजोलि गोसोया अन्नाय साफिबाय, लाभ ग्रज जाबाय। जायखौ बुङे लाभ इन फास्व साइड। बिनो गासै गोसोखौ होफ्लांबाय। बे गोसोखौ सोरनोबा होफ्लांबा, बोरैबा गोरोब लायोब्ला बेखौ बोखांना लाफिन्नो गोब्राब जायो। बेयो सैथो दि जैरै औवा मेवाइआ गुदुं थाया, सेंग्रा सिख्लाजों जेबो सोमेन्दोनि गद गैया। सेंग्रा सिख्ला खाथि खाथि थालायबाय थायोब्ला, अन्लायोब्ला सोमोन्दोखौ बावनानै, बावगारनानै गोसो होफ्लांलायो। बिब्दिनो बाहागि खुरमा, आंगोथिजों जुलि जानाय गोबां बिदिन्थि दङ। जिमियाबो गावनि गोसोखौ आंगो बिफा फोलेरारी बिदानोनो अन्नाय होफ्लांबाय, होबाय। गोसो मोदोम गासैबो खोथाखौ बिमाया बिफानो खिन्था जोबबाय बे सप्ताहसोनि गेजेराव फिसाजो जिमिया न’ आव फैनानै मा जाफैखो ? अब्लाबो बिफाया सेरियास सानाखिसै। खालि बुंबायल’–

: फरायफुनाय गथ’ सानैबो। बेनिखायनो बाराद्राय फिसाफोरखौ खष्ट’ एबा दुखु होनाया मोजां जानाय नङ बिमा। उनाव माबा मोनसे खालाम जागोन। दानि लिभिं प्छेन्डार जुगाव बेफोरखौ लानानै ब्रांद्राय खर’ सानाया मोजां नङ। देनां बुजिब्ला गावनो लाजिगोन, गारगोन। सेंग्रा सिख्ला समाव, बिब्दि बैसोयाव गोसो थोनाय बेरामा साफि खायो। बेयो बैसोनि दोहोरोमखा। लासै लासै बुजाय जागोन। हावरिया खावरिया उन्दैनिफ्राय सिबाय बिमा बिफानि अन्नाय मोनाखिसै, जोंनो फरायहोनानै मानसि खालामबाय। दिनै बि ए फाइनालनि देवना मोनबाय। एसेबां बोसोर बय हस्टेलाव दोन्नानै फरायहोबाय , बिब्दि गथ’आ जाफेराखैमोन। दिनै फिसा जिमिया बिब्दिसो सान्न्बाय। बाराद्राय अन्नायानो दिनै जोंखौ खैफोराव खोख्लैबाय।

: नोंनो मालायनि फिसाखौ कलेज हस्टेलाव दोन्नानै दाव दाव अन्नानै रां खरसा खालामबाय। आयै बेफोर रांखौ एल आइ सि बेंकआव दोनोब्ला मारुति भेन गंसे मोनगु लायना बारसिगौ। खाफालानो गात्रि जौंना बि ए एम ए पास जाना साखि मोनब्ला नायफिनगोन नॉनि नोम्प’नि फिसाया ? मानसिखौ एसेबां अन्जाया, बाराद्राय अनेब्ला लाय मोनो, फाफिलायव गाखोयो। सैमाब्ला आरो। खरसा जानाय रांखौ मोनफिनाब्ला आं गारनायाव गैया, थैब्लाबो।

: नोंसोर हिनजावफोरनि फिसा खोथाखौनो सेरियास सानो। अनलायना थानो, जानो रोङेब्ला जेबो जाया। हास्थायनाय मानियानो फिथाय थायो। नायबायल’ था जिमिया फिसा बिहुङ एम ए फास्ट क्लास खालामना सासे आयदियेल प्रफेसार जागोन। आरो आंनि फिसाजोआ जागोन एम बि बि एस डाक्टर मेडिकेल अफिसार । हे–हे–हे,मिनियो।

: बेनिफ्राय बि–बिहुं जैलाजोंनो जुलि होदो। ग्रें–ग्रें राइजो जाथोंसै। बिफा जैरै फिसाजो जाथोंसै। आंनि लाब्ला फिसाया जा मोजां गुनि जागौमोन। हाय खाफाल गासैबो नोंनो।

: सोरनि लाब्ला मोजां जागौमोन होन्दों।

बिसिया खेबजुं जायो। एदावसिनो

: दालाय नॉनि आंनि मोन्नै सोरजों हायना नांना जिमिया जायाखै ? सोरनिथो जाखो ? रागा जौंना बिसिया ब्लद थाङे।

बोथोरा थाङे खोन्दो खोन्दो। बैसोया थाङे आन्दो आन्दो। घरिनि खारथाया गिदिङे थिक थिक। घन्टा, सेकेण्ड, मिनिट दायो दान अखाफोर, बोसोर मुगा।

बिहुङ उन्दै बैसोयावनो एम ए फास्ट क्लास फाष्ट फजिसन लाना राजखान्थि बिज्ञानाव उश्रिबाय। बयबो खुसि हस्टेलाव गोबां बमा गावबाय। सारा आसाम नर्ट इष्ट मोनथि जोबबाय। अखा नायै आसाम ट्रिबुन, सेन्टिनेल, उगुदुद,प्रतिदिन बङ’सा, आगदारि उइट फट’ फोसाव जाबाय।

खौरांखौ मोन्नानै जिमि बिफा बिरदावआ बिहुंखौ गोबाख़बनानै हाजासे खुदुमबाय। बाख्यायबाय स्रोद बिमानैया गुप्स्थि फेनबाय। बिमानैनि मुदखौ बोरैबा नुबाय बियो। थेवबो बिमानैखौ खुलुमबाय। बेनिफ्राय गाव थाग्रा लजिङव थाहैबाय। मानोना बिमानैया गावखौ न’ गुबैयाव गावखौ गुलि गुलि थानायखौ, खालामनायखौ मोजां मोना। साबजाया। मालायनि फिसाखौ लाबोना एसेबां फोरोंनानै मा मुलाम्फा जानो, जाखो ?.....बायदि बायदि लानानै नांलायनायखौ बियो खोनाबाय। थेवबो बियो जेबो साना, बिमानैखौ गात्रि मोना। एसेबो मानोना बिनि थाखाय बिसोरो मोदाय मोदायजोनि समान ईसोर।

हजों जिमिया लेंहराब्लाबो न’आव फैबाय। थोंजों बिमानाव बिहुंखौ सोंबाय, नागिरबाय। हाखु–दाखु।बिमाया जोंबाय। थेवबो मानिया। गान्नाया बिनि जिन्स लंपेन सार्थ। बिखाया बेरगावहां बेरगावहां सारटि गेनजि, गंब्ला बिखाया.....। सेंग्राफोरा बिखा जिंयिद मोनो। रमान्स जायो। बेगखौ फिनत्राब बिसिनायाव गारहरनानै त्रेसिं मिर’आव नायनानै–बिहुं आइ लाभ इड। सब आयनायाव फाव खालामनानै लजिं फारसे थाबाय लाङे। अब्ला बियो गारदेनाव मिनि मिनि सानै सेंग्रा आरो साब्रैसो सिख्लाफोरनो अत’ ग्राफ लिरनानै होंगासिनो दङमोन। जिमिया गावबो जाबथोसे गोजा गलाब बिबार होनानै बिहुंखौ लं फ्रान्स किस होन्नानै बेरलाव गोबाघ़बनानै खुदुमबाय फाग्लि बायदि। बिहुङा एमब्राब्लाबो नागाराखिसै।बिहुङ आख’ फाख’आव गोर्ग्लैबाय। सानै सेंग्रा आरो सिख्लाफोरा लार्जिना आसुसु मोन्ना दोरोद लांबाय।बिहुङ रमान्स फैखाङे। अब्लाबो गोसोखौ दबथायना सामलायना बुंबाय बियो–

:हामाना जिमिस नों मानो बिब्दि सानो ? आं नॉनि बिदासोना मायनाव, प्लिज बिब्दि दासान। नॉनि थाखायनो आमाय आनै मोना बेसेदि नांलाय खमलाय जाखो, जालांखो ? आंखौ होखारखो। आंखौ नों गोजोनै थानो होदो जिमि। प्लिज लिभ मि एलन, बिकस आइ अवान तु लिभ इन दिस अवाइड फ़िलि। आंथ’ न’आव आय आफा गैया, नॉनि आय आफामोमआनो आंनि आय आफा सिबिनां गसाइ। आरो नों आंनि गोरबोनि असे बिनानाव, नों आंखौ बिदा असे सान्नानै सोलिदो प्लिज। आं नोंखौ मोजां मोन्नो हानाय नङ, मानोना नों आमायनि फिसाजोसो, आंनि असे बिनानाव आरो आं नॉनि असे बिदा। नङाब्ला आंनि इज्जद आरो आमाय आनैमोना लाजि नांगोन। समाजाव ससियेल स्तेताज थानाय नङ।

: बेफोरखौ आं मोनथिया आदा, आंनो खालि नॉनि अन्नाय

दैमुखौ सानसे नुवाब्लानो माबा गोमालाय बायदि माबोरै बिनो लाइजाम हरग्रोनो ओजोंहाय बियो जोनोम आरो हाब्रांखौबो लाजिदों, बिबाजैजों बो मिथिजानो गिदों मानोना बिबाजैआ बिखौ जोबोत नोजोर होखायो। खोरोमा जानाय जाथायखौ जोनोम मनहा। मितियाखे मानोना खोरोमआबो खोन्थायाखे रावनोबो खालि बोहै आल’ मिथिगौ। थानो हाथरैआव खोरोमा हाब्रानो बै जाथाय जानायखौ खोन्थायो आरो बुङे – लाइजामखौ नों दैमुनो होथार नांगोन होन्नानै। हाब्रांआबो बुङे जागोन दे आं नाजागोन। खोरोमा हराव गोबांबार लिरदों आरो जायै बायदि मोनानै दानफिनदोंबो। जोबभार नायाव बियो लाइजामखौ लिरदों दैममुनिसिम

आर्मि नायग्रोम लांगोना 22–11–2002 आंनि अनजालु बिनानाव, लाइजामनि गिबि गिबि नों बिनानावनि सिम खासि बिबारफोर बायदि गुफुर बिलाइआव खोमसि खथायाव गंसे मोलेले गाबनि खालिजों लिरनाय लाइजाम लोगोसे नॉनि आपेल फिथाय दायदि खावलायाव खनसे खुदुमनाय थाबाय लोगोसे इशोरनि अननायाव दासान्दै मोजाडैनो दङ जानांगे?

दैमु माखालामनो नॉनि बै लाइमोन बैसोआ खालामबाय आंखौ बोरमा। दिनै आं नोंखौ जानाय लोंनाय समाव गोसो खंबाय थायो।फरायो आं बिजाब

नांगौ। नॉनि अन्ना आंनि जिउआ मिनि लेस्ट। उइदावड इउ आइ केन नट इन डिस्ट अवाल्ट्। थानांगौब्ला नॉनि थाखाय थंगोन, थैनांगौब्ला नॉनि थाखायनो थैगोन। नों आंखौ जुलि खालामदो आदा आं नोंखौ थैजासिम सिबिगोन मोदाय बायदि। खालि आंनि मिजिंखौल’ सुफुदो। आदा प्लिज लाभ मि, बाट नट लिभ एलवन। बिकस आइ निट इउ....3– होन्नानै फाग्लि बायदि सार्थखौ खुनानै बिबार बारियाव जालदाब गारहरो। खालि थाबाय गेनजि। बेनिफ्राय गोसो बायदि गोबाख़बबाय, खुदुमलाबाय।बिहुङ नारखा नारखा फैबाय, माना खालामबाय हाब्हैबाय। हैबासिनो जिमिया हाबफाबाय।बिहुङ एमाव जनानै थाबाय नायगंना, जिमिया बुंबाय–

: आदा नों आंनो खोथा होनांगोन दि आं नोंखौ मोजां मोनो होन्नानै नङाब्ला आं थाङ।

: नों मानो बुजिया जिमि ? नोंथ’ उन्दैद्राय गथ’ नङाब्ला बुजाय जानो ? न’ नलेज उइदावड केलजखौ मोनथिया नों ? कलेज फरायब्ला गियान सान्नो हनो रोंनांगौ, सेल्फ कन्ट्रल थानांगौ। ब्रांद्राय ब्रेकलेज जायोब्ला जिउआ खाना नाङे। मानसिफोरजों मिनि जायो, गात्रि बुंजायो, बेफोरखौ मानो साना नों जिमि। बाथ्रायावनो दङना हमथानाय गोसोया सुखु होयो, लोरबां गोसोया दुखुयाव खोख्लैयो। नों फरायनानै मोन्नाय गियानखौ नों मानो एफ्लाय खालामोन नाजाया ? सोलोंथायनि गोथार मिर्निखौ नों हांगार दाफोन। नङाब्ला इयुन जेनेरेना जोंखौ खर’ गात्रि सानगोन। समाज खान्थिखौ नों दाबस’ प्लिज थਾਂदो जिमि।

: आं बेफोरखौ बुजिया आदा, खालि दा आंनो नॉनि अन्नाय नांगौ। बाय हुक बाय कुक। नङाब्ला आं सुइसाइड जागोन आं आदा. गाबो।

:साट आफ,न’टि गार्ल। आय हेट इउ, आय से इउ गेट आवट फ्रम हेयार।कुइक।

: थैब्लाबो थाङ आं।

: थाङ ?

: ओहो।–सोबायो।

जिमिया गाबै गाबै न’आव थाङे दरजा खिरखि मारिना गान्दु गोबानानै बिहुंनि सावगारीखौ नायनानै गाबो। गोबानानै उन्दु लानो नाजायो। हरखाब न’नि सेल्फ आव थानाय बिष बटला मेगनाव रिफिखाङे आरो हानहरनानै लोङे। सेन्स लेस जानानै गोर्ग्लैग्रुबो। दै दै होन्नानै हज़िखाबो, बिमा बिफाया दरजा एर्खावनानै रुमाव हाबो। हाखु दाखु गोख़ै दौवो। हस्पिटालाव थिसनो। डाक्टर नार्सनि अन्नायाव जिमिया मोजांनि फारसे फैयो। थेवबो बिमा बिफाया जिंगाजों बूसोम जायो। इयुनिनि खोथाखौ सानो गुदि बिजौ। जाथायखौ खोनानानै बिहुङ फाहामसालि फारसे थाङे, पेसेन्टनि रुमाव हाबो। लोगो लोगो बिमा बिफाया सिखंनानै रुमनिफ्राय ओंखारबोयो।बिहुङ लासै लासै जिमिनि खानाय, खावलाय, गुस्थियाव बिलिरो, अनो। जिमि होन्नानै गाबत्रियो।जिमिया मेगन बेखेवयो। थायब्रै मेगना दसे माबा रायलायो।जिमिया आदा होन्नानै बिहुंनि आखायखौ बिखायाव गोबाथाबनानै लायो।

: हामबाय जिमि सिखांलाय।

: आ–आदा आय लाभ इउ भेर मास्ट।

: आय तु लाभ इउ भेरि मास्ट।–सानैबो लासैनो खुसिनि अखा हायो। दसेनो जोमै गैया लासिनो खुसिनि अखा हायो। दसेनो दैबाना। स्रां बोथोर।रोमै रोमै गोजाननिफ्राय अन्नायनि रादाय फिल्मनि दोंसे मेथाया रिखां फैयो।

“नों आंनि सुखु दुखु अरायनि

गोबां आंबो बुंनो सानो नों आंनि सुखु दुखु अरायनि।”□

लाइजामखौ आजावो आरो मोनलायनायकौ माबुंनो सोङे–सोरनि होन्नानै ? हाब्रांआ फिनो खोरोमनि होन्नानै। दिदै तितउसनआव खोरोम आरो दैमुआ लाजिलायदों नायलाय हरफिन लायाखे।खोरोमा सान्दों।ंखौबा लागोना लाया ओजोंहाय दैमुआबो गिदों लाइजामावबा खोरोमा मा लिरदों गोसोआ दिदै सानैबो तितउसनआव गैया।दैमुआ तितउसनखौ माब्ला गगोन जादों।थानो हाथारला बारा बारा।दसेनि उनाव गयो। दैमुआ माब्ला न मोनहैनानै लाइजामखौ फरायनो मोनगोन जादों बियो दिदै लोगोफोरखौनो बावगोमा लांदों।बियो नआव बिजाब दोनस्लाब लायाखैसै सिगां लाइजामखौसो नायग्रोयो। लाइजामखौ फरायखानानै बियो जोबोर गोजोन्नाय मोनदों। बियो मावखौनो सोरगोआवना पातालाव दं आन्दाज गैया।बिब्दिनो दैमुआबो खोरोमनो फिन हरफिनबाय खोरोमाबो दिदै जोबोत दुगा।बिसोरनि मोजां मोनलायनाया जुजायनि र्खिबायदि दुफु दुफु खामलांदों।दिनै खोरोमा दैमुनि माथो खोनायाब्लानो थानो हाया जबाय दैमुआबो खोरोमनि सेराव थानो मोनाब्ला सुखुआ मोनग्रा जबाय।नाथाय दिनै दैमुजों खोरोमा जों मोजां मोनलायदोंब्लाबो दैमुनि गांनायखौ खोरोमा सुफुंनानै होआखे। पुजा, गान–सिनेमा, मिथि–दावथिं जेरावबो जरा–जरा बिसोर सानैआ। जुदि बिसोरनि मोजां मोनलायनायकौ सेरबा हें था होयोब्ला जे बिसोर थैलायगोन।दिनै बिसोरनि मोजां

माबुंनो बहुमावनो गैया।

ओजोंहाय हाब्रांआबो दैमुखौ सिंजों सिं जोबोत मोजां मोनखुमानानै दङ।बुंनोहायैआवसो दङ। नुनायाव दैमुआ प्रिति जिन्टा बायदि। सेंग्राफोरा नुयोब्ला जायो सिन्था मोननो लुबैनानै। हाब्रांखौबो नुनायाव फिल्मनि एक्टर अर्जुन रामपाल बायदि नुयो। दिदै हाब्रांआ दैमुनि थाखाय फाग्ला जाबाय।हरबाय बिबो लाइजाम दैमुनो। हिन्जावफोरनि गोसो मोदायाबो हमनो हाया। बियो थार मोजांमोनबाय हाब्रांखौबो। सानसेखालि खोरोम मोननि गामियाव जोनोम बिदानि हाबा बेहाबायाव दैमुआ हाब्रांजों खोमसि खनायाव माबा रायज्लायखुमानायखौ खोरोमा नुदों जाहोनाव दा खोरोमा रागा। दैमुआ खोरोमखौ गारहां गारहां जाबाय दानिया जोनोम आसो जाबाय सानैनिबो सुथुर।जोनोमा हाब्रांजों लोगो जाब्ला खोरोमा रागा जोङे आरो खोरोमजों लोगो जायोब्ला हाब्रांआ रागा जोङे। जाबाय दिदै खोरोमा जौफ ग्ला। गोदाव सोराव। बे जोनोमाव जॉनि एम्फौ। मदापि हाब्रांआ दैमुखौ गात्रि खामानि मावनानै खारबाय। दिनै दैमुआ बेकार। बियो बैलैथोआव गनै नाव जावदोंमोन। जायनो नायनो फेय बेनो दैमुखौ बासिनानै गालाङे।खोरोमा लाभनि केन्सार बेरामाव हाबनानै दिनै जॉनि एम्फौ। दैमुआ मानसिफोरनि बासिनायाव लाजि मोननानै फासि नांना थौयो।□

माहाम देहानि राहा

झागन फ्रुटआ देहानि लिस्थाइखौ बाडाइ खालामनायजों लोगोसे डायबेटिज बेरामखौबो सामलायो

डायबेटिजखौ मोनसे फाहामथाइ गोयै बेराम महरै मानिनाय जायो। बेनि जेबो थि फाहामथाइ गैया। आथिखालाव माखासे मिथिंगायारि नेम-खान्थि आरो गोदान राहाफोर दइ; जायनि गेजेरजों बेरामिया गावनि ब्लाड सुगारनि लेभेलखौ कन्ट्रल खालामनो हायो। मख'नो गोनांदि, मोजां फिथाइ-सामथाइ, मैंग-थाइंग आरो गुबुन गोनांथार गुणफोरखौ लाफादेराब्ला ब्लाड सुगारनि लेभेलआ बांनो हागौ एबा बाडाइबो जानो हागौ।

झागन फ्रुडआ गोजा एबा गलाप गाबनि जायो। डायबिटिसनि बेरामिआ बेखौ गावनि डायटनि बाहागो बानायनो हायो। मोनसे संदान्नाय बायदिब्ला, झागन फ्रुडआ एन्टि-डायबेटिक इफेक्टखौ सोमजिहोयो। बेयो देहानि लिस्थाइखौ बाडाइ खालामनायावबो मदत खालामो। माखासे संदान्नायाव



बे गुण गोनां आरो गलाप गाबनि फिथाइखौ प्रि डायबेटिक आरो टाइफ टु डायबेटिजजों भुगिनांनय सुबुंफोरनि सायावबो गोहोम गोग्लैयो होन्ना बुंनय जादों। बेवहाय थानाय हाइ फाइबारआबो देहानि थाखाय गोबां गुण गोनां जायो।

डायबेटिज जायोब्ला काडियभस्कुलार बेरामिफोरनि जेंनाया बाडो। फारसेथिं बे फिथाइयाव अमेगा-3 पेटि एसिडनि मोजां गुणफोरा थानायनि जाहोनाव बेयो बिखानि थाखायबो मोजां जायो। बे फिथाइआ काडियभस्कुलार बेरामिफोरनि

थाखायबो गोहोम गोनां जायो। झागन फ्रुडआ भिटामिन सिजों बुं'फबनाय आरो इमिउनिटि बांहोनायावबो मदत होयो। फारसेथिं एन्टि-एजिं फ्रुडनि महरैबो बेखौ जानो हायो। झाइ स्किन जेंनाजों भुगिनांनय सुबुंफोरबो बेखौ जानो हायो।

डायटेसियान आरो निउट्रेसियान एक्सपार्टफोरनि बायदिब्ला झागन फ्रुडआ एन्टि-अक्सिडेजनों बुं'फबनाय मोनसे जर'खा फिथाइ। बेयो नोंथांनि देहानि माखासे जेंनाफोरखौ जानगार खालामो।

महित सुरिनि बिथोनआव दिहुन्जानाय सावथुन 'सैयारा'आ माखासे स्टारफोरनि रेकर्डखौ सिमफायनो हादों

महित सुरिआ दा सावथुननि मोजां मोनलायनायनि गुरु जाबाय। बिथानि गासैबोर माफिन्टिक -दे'खोआरि थुनफावथायफोरा बक्स अफिसआव सुपार डुपार हिट जाबाय। बिथानि बावैसो रिलिज जानाय सावथुन 'सैयारा'आ गिदिर स्टार गोनां सावथुनफोरनि रेकर्डखौबो सिफायदों। नाथाय नोंथाड मिथियो ना सुबुंफोरा बुंदों दि, बे सावथुना खोला करियानि सावथुननिफ्राय थुलु'गानाय। सैयारानि फोसावनायनि उन्ननिफ्रायनो, समाजारि बिजोंआव



सावरायनाय जागासिनो दि, बे सावथुना खोला करियानि सावथुन 'ए ममेन्ट टु रिमेम्बार'नि रिमेक। बबेखानि, बेखौ दासिमबो मावख'आरि महरै रोखा खालामनाय जायाखै। अब्लाबो मोननैबो

सावथुननि माखासे नुथाइफोरा रोखोमसे। सैयाराल 'नड महित सुरिनि गोबां सावथुनफोरखौ खोला करियानि सावथुनफोरजों रुजुनाय जायो। इं 2011 माइथायाव फोसाव जानाय इमरान हाशमी आरो जैकलिन

फार्नान्डिजनि फाव खालामनाय मार्डर-2 आ इं 2004 माइथायनि रिलीज जानाय सावथुन मार्डरनि सिकुवेलमोन। बे सावथुना बै बोसोरनि बयनिखुइ बांसिन खामायनो हानाय सावथुनफोरनि गेजेराव मोनसेमोन। बेखौ बुंनय जायो दि, बे सावथुना खोला करियानि सावथुन 'द चेजर'नि मोनसे मावख'आरि नडै हिन्दी सोलायनाय, जाय 2008 माइथाइयाव ओंखारदोंमोन। इं 2007 माइथायाव फोसाव जानाय एक्शन क्राइम सावथुन 'आवारापन'आ महित सुरिनि

मोनसे क्लासिक कल्ट सावथुन। सावथुनआ बक्स अफिस आ व जाफुंसाराखेमोनब्लाबो, बेखौ दिनैसिमबो बयनिखुइ साबसिन सावथुनफोरनि गेजेराव मोनसे मानिनाय जायो। बे सावथुनखौ खोला करियानि सावथुन 'ए बिटरस्वीट लाइफ'नि रिमेक बुंनय जायो, नाथाय बेयो बेनि थाखाय मुं मोनाखेमोन। श्रद्धा कापुर आरो सिद्धार्थ मल्हत्रानि फाव खालामनाय सुपारहिट सावथुन 'एक भिलेन'आ मोनसे करियानि सावथुननि रिमेक होन्ना बुंनय जायो। मोहित सुरिजों दिथाहोजानाय बे सावथुना 2014 माइथाइयाव सुपारहिटमोन। बेखौ 'आइ सा द डेभिल'नि हिन्दी रिमेक बुंनय जायो, नाथाय महित सुरिआ बेखौ नेवसिगारदों। दा सैयारानि सोमोन्दै दाबि खालामनाय जादों दि, बेयो खोला करियानि सावथुन एममेन्ट टुरिमेम्बरनिफ्रमय थुलुंगा मोननाय, जाय 2004 माइथाइयाव फोसाव जादोंमोन। मिथिनाय बायदिब्ला मोननैनैबो सल 'फोरा जोबोद रोखोमसे। बबेखानि महित सुरिआ दासिमबो बेनि फिननाय होयाखै।

श्रीदेवीखौ भारतआरि सावथुननि गिबिसिन सुपरस्टार बुंनय जायो, जाय हिन्दी आरो खोला मोननैबो सावथुन मुलुगाव गोबां जाफुंसार जानो हादोंमोन। बिथानि फाव खालामनायजों लोगोसे, श्रीदेवीनि समायना महरनि बागैबो गुवारै सावरायनाय जादोंमोन। बिथानि आ गावखौ ओरैबादि मोजाडै लाखिदोंमोन दि, बिथाड गुबुन फावखुंग्रिफोरखौ साया खोखलैदोंमोन। बावैसो दिथागिरि पंकज पराशरआ फोरमायदोंमोन दि, श्रीदेवीआ राम गपाल वर्मानि थाखाय बेहोश जादोंमोन। सल'आ 90 जिथाइनि जागायजेन्नायनि। पंकज पराशरआ श्रीदेवी आरो अक्षय कुमारजों लोगोसे सावथुन 'मेरी बीवी का जवाब नहीं' बानायगासिनो दंमोन। सावथुन सेबखानायनि समाव राम गपाल वर्माया श्रीदेवीखौ लिस्थायखौ बाडाय खालामनो नारसिनदोंमोन, जायनि जाहोनाव फावखुंग्रिया केश डाइटखौ फालिनो आरो संखिखौबो नागारदोंमोन। जायनि जाउनाव बिथांजोआ शुटिनि गेजेराव बेहोश जायो। बावैसो जानाय मोनसे मोगा-मोगियाव पंकज पराशरआ राम गपाल वर्माखौ दायनिगिरि



खालामदोंमोन आरो बुंदोंमोन, गुबुन मोनसे सावथुन इमाइ वाइफस आन्सार 'आ ओंखारदोंमोन। बेयो गोबाव समनिफ्रायनो थावथानानै दंमोन। आं बेखौ बुंदोंमोन, मोनफ्रोम सावगागियाव गावनि राशिफल (खाफाल) थायो। गासैबो मोजाडैनो सोलिगासिनो दंमोन, नाथाय बै समाव राम गपाल वर्मा, जायखौ आं बेनि (सावथुननि गोबाव) थाखाय दायनिगिरि खालामो, श्रीदेवीखौ लिस्थाय बाडाइ खालामनो नारसिनबाय थादोंमोन। पंकज पराशरआ आरोबाव बेखेवना होदोंमोन दि, माबोरै केश डाइट फालिनायनि उनाव श्रीदेवीनि अबस्थाया गात्रि जालादोंमोन। बिथाड बुंदोंमोन, बिथांजोआ मोनसे केश डाइट फालिनो हदोंमोन आरो जेब्ला बियो बेबादि खालामोमोन, अब्ला बियो संखि जानायखौ बन्द' खालामोमोन, अब्ला बिथांजोनि ब्लाड प्रेसार आ गाहायाव

फैगौमोन आरो बियो बेहोश जायोमोन। जेब्ला बियो बेहोश जायो, अब्ला बियो आरासियाव बुयोमोन। बियो 20 मिनिटसिम सांग्रां जाफिनाखैमोन आरो बनि मोनसे हाथाइयाबो बायदोंमोन। पंकजआ बुंदोंमोन, बेनिखायनो जोंनि गासै समफारिआ गात्रि जादोंमोन। नडब्ला बिथानि थाखायनो सावथुना मोजाडै सोलिगासिनो दंमोन आरो जेब्ला बेयो बिथानि मोखांआव सौग्रावदोंमोन, अब्ला सावथुना ट्रेकनिफ्राय गोजानाव थादोंमोन। रां होग्राया थादोंमोन दिहुनिगिरिया थैदोंमोन। बेफोर जाथाया जाबाय थायो बेनिखायनो आं सावगागिरिखौ गालांबाय, जों मा खालामनो हायो? अक्षय आरो श्रीदेवीजों फाव खालामजानाय सावथुन 'मेरी बीवी का जवाब नहीं, जाय 90 जौथाइफोराव रिलिज जानो गोनांमोन नाथाय बे सावथुनआ 2004 मायथाइयाव ओंखारदोंमोन।

मिना कुमारिनि सावथुन 'पाकिजा'आ दासिमबो नायगिरिफोरनि गोसोआव जायगा आवग्रिना दइ

भारतआरि सावथुननि जारिमिनाव माखासे मुंफोर दं जाय खालि महरगिरिल' नड, नाथाय मोनसे मुगानि आबेगनि नेरसोन। बिसोरनि गेजेराव मोनसेया जादों 'ट्रेजेडी कुइन' मिना कुमारि। 1 आगस्त, 1932 माइथाइयाव महाजबीन बानो महरै जोनोम मोन्नाय बि फावखुंग्रिया गावनि गुसुं जिउआव फावदिन्थिनायनि आयामफोरखौ नागिरिदोंमोन जाय दिनैसिमबो



नायगिरिफोरनि गोसो बोनो हायो। बिथांजोनि मोनफ्रोम मिनिनायाव दुखुआ थाखोमाना दंमोन आरो मोनफ्रोम मोदैयाव मोनसे बुंस'हायै दुखुनि सल' साग्लोबना दंमोन। जेब्ला मिना कुमारि बाश्ना फैयो, अब्ला 'पाकीजा'खौ मुं'ख'नाया गोनांथार। 'पाकीजा'आ दासिमबो हिन्दी सावथुननि बयनिखुइ गोसोखांथावसिन सावथुनफोरनि गेजेराव मोनसे। बे सावथुनखौ बानायनायाव गोबाव समनि थाखाय मोनसे रेकर्डबो बानायदोंमोन। दिहुनगिरि कमल अमरहि, जाय सिगांनिफ्रायनो क्लासिक सावथुन 'महल' बानायखां'बायमोन, सिनेमास्कपनि सिगांनि सानफोरजोंबो आनजाद नायनो लुबैदोंमोन। बेयो बिथानि

आबुंथिबादमोन आरो बिथानि थिरांथायाव थाद'यै फोथायनायमोन दि, जेब्ला बिथाड केमेरा लेन्सआव गोरोन्थि मोन्दोंमोन, अब्ला बिथाड गुबुन हादतआरि सावथुन नायसोमसालिफोरखौ गावनि बाश्नाखौ फोरमान खालामनो खावलायदोंमोन दि, 'लेन्सफोरा एसे नोजोराव गैयामोन।' बेवहाय गोबां दान बारलांबाय। ट्रेजेडी कुइन महरै मिना कुमारिनि सावगागिरिआ बिथांखौ सासे देहा फानग्रानि फावनि थाखाय साबसिन बानायदोंमोन, जेराव सासे धोनि सुबुं (राज कुमार) ट्रेनाव उन्दुनाय हिन्जावसानि आथिंखौ नुना मोजां मोन्जलायो। मिना कुमारिआबो बेयाव सासे बिमानि फाव खालामदों, जायजों अशक कुमारनि (जाय सासे गोर्जौ थाखोनि फिसाज्ला) जुलि जानाया जाथावना जायो। मानोना बिथांजोआ सासे देहा फालांगियायि। जाथाय बायदियै,

फावखुंगुर (राज कुमार)आ बै देहा फानग्रानि फिसाजोनि (गाहाइ फावखुंग्रि) बिफा (अशोक कुमार) नि बियादै। सावथुन दिहुनाया सोलिगासिनो दंमोन, नाथाय कमल आरो मिनानि सोमोन्दोआ बायनायनि लामायावमोन। जोबोद गात्रि मोननायजों बिसोरनि जुलियायि सोमोन्दोआ जोबदोंमोन। नाथाय सेबखानाया गोबां बोसोरसिम सोलिबाय थादोंमोन। बे समावनो मिना कुमारिआ 'दिल अपना और प्रीत पराइ' बायदि मोजां सावथुनफोर बानायदोंमोन नाथाय जौ लोंनो हदोंमोन। माखासे बोसोरनि उनाव बिथाड गावनो थिरांथा लादोंमोन दि, आबुं जायै सावथुनखौ आबुं खालामनो थाखाय आरोबाव मोनसे नाजानायनि गोनांथि दं;

पंकजआ 'मेरी बीवी का जवाब नहीं' सावथुननि सेटआव जानाय माखासे जाथायनि बागै फोरमायदों



अटिटि मोजां मोनग्राफोरनि गेजेराव गोबां समावनो माखासे सिरिजफोरखौ मुंख'नाय जायो। माखासे फारिफोरनि आयदा आरो फाव खालामनायनि सायाव बांसिन सावरायनाय जायो। दिनै जों बेबादि मोनसे फारिनि बादै रज्यत्तायगासिनो दं जाय सुबुंफोरखौ मोन्दोहोदोंमोन दि, बेयो साहसनि गासैबो सिमाफोरखौ बारबाय। बलिउडनि सासे मुंदांखा फावखुंगुरआबो बे सिरिजआव गाहाइ फावखुंगुर महरै खामानि मावदोंमोन। जुनिया बाश्नाया बेनोदि, बेसिरिजआ धोरेम, फाव फान्दायनाय आरो खोमसि फोथायनायनि नुथायखौबो दिन्थियो। बेयाव जों बबि देउलनि हिट सिरिजनि बागै रज्यत्तायगासिनो दं। अटिटिआव बिथानि खामानिया जोबोद मोजां बाख्यायजादों, आरो बे सिरिजनि मोनथाम सिजनफोर दासिम फोसाव जाबाय। अटिटि प्लेटफर्म एमएक्स प्लेयारव मुंदांखा सिरिज 'आश्रम'खौ गोबां समावनो अटिटि मोजां मोनग्राफोरनि गेजेराव मुंख'नाय जायो। सुबुंफोर बे फारिखौ जोबोद मोजां मोनो आरो जेब्ला अटिटिआव बेखौ बाख्यायनाय जादोंमोन, अब्ला माखासे सुबुंफोरा बेनि बल्ड नुथायफोरनि सायाव अजद देख्दादोंमोन। दिथागिरि प्रकाश झाजों दिथाहोजानाय बे फारिआ फान्दायग्रा बाबा निरालानि सैथोखौ दिन्थिपुनो खामानि मावो। बे फारिनि थामथि सिजननि नैथि बाहागोआबो जोबोद बाख्यायजादोंमोन। दा बयबो बेनि ब्रैथि सिजनखौ नेगासिनो दं। बे फारिआ धोरेमनि मुखव जाबाय थानाय गात्रि खामानिफोरखौ दिन्थिपुनो

खामानि मावो। बबेखानि बेयाव मा दिन्थिनाय जादोंमोन बेखौ लानानै माखासे दान्थे-बिदान्थे जादोंमोन, नाथाय बबि देअलनि खामानिखौ सुबुंफोरा जोबोद बाख्यायदोंमोन। बबि देअलनि सायख'जानाय सावथुनफोरा गिदिर फैसालियाव मोजाडैनो बरायजादों, नाथाय बिथानि मोनप्रमेमबो फारिआ अटिटि आव नायगिरिफोरनिफ्रमय जोबोद अनसायनाय मोनदों। आश्रमाव बिथाड बाबा निरालानि फाव खालामदों, जाय सासे नंखाय गुरु आरो सुबुंफोरनि आबेगारखौ मुलाम्फ लाना आइजोफोरखौ सोबख'यो। बे बाबानि बिथोनानवो बिथानि सिबियारिफोर रजखान्थियायि दोलोफोरनो भट होयो। फारियाव गोबां नुथायफोर दं जाय साहसनि गासैबो सिमाफोरखौ बारलाडो। जेखिजायामानो, नायगिरिफोर बे फारिखौ मोगथाखरि आरो मेगन बेखेवनाय मोनदोंमोन।

श्वेता तिवारिआ एक्ता कापुरनि सायाव माखासे बाश्नाय फोरमायथिना होदों

एक्ता कापुरखौ टिभिनि रानि बुंनया गोरोन्थि जानाय नड। 2000 नि जिथायाव बिथांजोआ गावनि सिरियालफोरनि गेजेरजों मोनफ्रोमबो नख'राव गावनि सिनायथि होनो हादोंमोन। जेराव बिथानि सिरियालफोराव खामानि मावग्रा स्टारफोरा अन-केमेरायाव मुंदांखा जायो,जायनि थाखाय गासैबो बिमुंआ एक्ता कापुरनिआव थाडो, जाय केमेरानि सिडव सान-हर खामानि मावो। बावैसो श्वेता तिवारिआबो बिथांखौ जोबोद बाख्यायदोंमोन। श्वेता तिवारीआ फोरमायदोंदि, एक्ता कापुर, जाय नागिन, कसटी जिन्दगी की, कहानी घर घर की आरो क्यौंकि सास भी कभी बहु थी बायदि सुपरहिट सिरियालफोर बानायदोंमोन। मोनसे समावनो 22 श्व' सामलायोमोन आरो सान-हर खामानि मावोमोन। मोनसे बिदिन्थि दंमोन जेराव बिथांजोआ आरो एक्ताया थोंजोडै 72 घन्टा खामानि मावदोंमोन। श्वेता तिवारी, जाय कसौटी जिन्दगी कीआव प्रेरणानि



फाव खालामनायनि थाखाय मुंदांखा जादोंमोन, भारती सिंह आरो हर्ष लिम्बाचियाजों सावरायज्तायनायाव एक्ता कपुरखौ बाख्यायदोंमोन। बिथांजोआ बुंदोंदि, एक्ताआ उन्दुनाय गैयालासेनो मोनसे समाव 22 श्व' सालायगासिनो दंमोन। मानसिफ्रा आंनाव

सोंगौमोन दि, आं मेंबाय नामा आरो आं बुंगोन, एक्तायाबो खामानि मावगासिनो दं। एक्ताआ मोनसे श्व'ल' दिहुनाखैमोन, बियो सोरजिथाइयावबो दंफायोमोन। बिथांजोआ स्टारफोरनो नुथायफोरखौ बुजायना होयोमोन। फावखुंग्रिया बुंदोंमोन, जेब्लानो आं एक्ताखौ कल खालामोमोन, बियो मोनसे रिंआव हमोमोन। बिथांजोआ गासैबो नुथायखौ आंनो गुवारै फोरमायगोन। जाय रोखोमै बिथांजोआ सल'खौ बुजायदोंमोन, बेयो आंखौ गोसो बायहोगोन। श्वेता तिवारीआ बेखौबो मुंख'दोंमोन दि, बियो एक्ता कापुरखौ कपि खालामोमोन मानोना बिथानि सारिफोरखौ होनायनि आदबआ जोबोद गोहोम गोनांमोन। फावखुंग्रिनि बायदिब्ला, जेब्लानो बियो डायलगा बुडोमोन, आं मोन्दोंमोनदि बियो आंनिफ्राय साबसिन दिन्थिफुंगसिनो दंमोन। गोबां खेब आं एक्ता कापुरनि गावनि डायलगाफोरखौ जेरै रायज्तायदोंमोन बेखौ नकल खालामनो नाजादोंमोन।

